

Guangjisi Minzcu Bau

ganhhau: CN45-0036 B.2018 Nd.7 Ng.4 liggaueq fouhswt nienz ndwenngux ngeih 'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3331期

Aen Ban Son'gyauq Hagsib Song Saw Vah Cangh-fwen Fwenleux Bingzgoj Yen Bi 2018 Haiban

2018 年平果县嘹歌歌手双语学习培训班开班

Ndwen 6 ngoenz 27, aen ban son'gyauq hagsib song saw vah canghfwen fwenleux Bingzgoj Yen bi 2018 haiban, Swcigh Minz-yijveij fucujyin Yi Siz camgya aen yizsi haiban caemhcai gangvah.

Yi Siz youq aen yizsi haiban naeuz, hai aen ban son'gyauq hagsib song saw vah canghfwen fwenleux Bingzgoj Yen dwg Swcigh Minz-yijveij caeuq Bingzgoj Yen Minz-yijban giethab gij cingsaenz Cibgouj Daih dangj, yungh saedsaeh hengz-doengh angqhoh Swcigh laebbaenz

60 hopbi, engq ndei fatyienz vwnzva vahgangj minzcu vwnznoix, dwg gij yienh'ok ciengzsaed langhbaej dieg minzcu minzcu vwnznoix hwnghat, ndawbiengz cinbu, minzcu doxgiet. De maqmuengh gyoengq boughag insik seizgei hagsib, roengz sim haenqrengz hag; giethab gij saedsaeh bonjfaenh, dawz gij cihsiz hag ndaej haenx yungh daengz hong ngoenz-naengz caeuq ndwenngoenz bae, doengzcaez dawz vwnzva minzcu fatyienz ndeindei bae.

Ciuq cam rox, baez ban son-

gyauq neix dai ndwen 6 ngoenz 27 daengz ngoenz 30, 60 lai boux canghfwen fwenleux youq 4 ngoenz ndawde hagsib gij cihsiz giekdaej Sawcuengh Vahcuengh, laj hingzseiq moq swncienz caeuq hwnghat fwen Guengjsae, gihbwnj lijun caeuq fapgiuj cauh raiz fwenleux, fapgiuj yienjciengq fwenleux nem gyauqlienh yienghsiengq gwnz daiz daengj neiyungz.

(Yiz Ciz/余执 Veiz Ciuhyingz/韦秋莹)

SIUSIK DINJ

简讯

● Ndwen 6 ngoenz 26, Lingz-yinz Yen Sizozgenhgiz youq densin gvangjangz aen yienh neix haiguh aen hozdung ngoenz gimq-doeq gozci "6·26", hozdung cawj-daez dwg "ndwenngoenz cangq-heiq, saekloeg mbouj miz doeg, daeqceih huqdoeg, boughboux miz cwzyin". Hozdung doenggyaq venj fuk hwnghzafuz, baij senhconz canjbanj, fat swhliu senhconz gijgwn gijyw ancienz daengj fuengsik, yiengq gyoengq vwnzlai guh gijgwn gijyw ancienz senhconz caeuq gimqdoeg senhconz gyauyuz.

(Liuz Cunghswng)

● Ndwen 6 ngoenz 23 daengz ngoenz 24, youq Namzningz Si Cauzyangz Gvangjangz caeuq Gyanghnanz Vandaz Gvangjangz caeuq Hozciz Si Ginhcwnghzgyangh Gih Gaibwzmaj, miz gyoengq dah-sau Vanzgyangh ndeu dawz gofoux Mauznanzcu caeuq "vaiqniu" seizneix riuzhengz haenx dox giethab, yungh fuengsik mbouj doxdoengz yienj le "vaiqniu Mauznanz" ndeiawj, yungh fuengsik seizhwngh senhconz fat-yiengz vwnzva Mauznanzcu, hawj engq lai vnz roxyiuj Mauznanzcu, gvansim Vanzgyangh.

(Veiz Yui)

● Ndwen 6 ngoenz 25, aen hoih doigvangq gaisau cienciengz (Baekging) makgaivaiz Baksak bi 2018 youz Baksak Siveij, Si Cwnghfuj cawjbanh, Si Nungzyezgiz, Si Sanghvugiz, Si Douzswih Cucingiz, Si Yinzminz Cwnghfuj Baijyouq Baekging Lenzlozcu ciepbanh haenx youq aen hawciengz gaibued doxgaiq reihnaz Sinhfaizi Baekging Si banh, gwnz hoih, caezgya cimz makgaivaiz, gangj cingzngieih, maeuz hwnghat, muengh caezgya cungj ndaej ik.

(Cinz Veifungh)

● Ndwen 6 ngoenz 25, Bingz-siengz Si Yasiz Segih youq aen gvangjangz laeuzbanhgoeng segih hwnghuq moq haenx banh gaiq daih gouj conzdungj ciet gobo vwnzyi comzyienj. Mwh hozdung, boughcujciz Boughcuengh bonj dieg yungh Cuengh Gun song cungj vah cujciz cizmuz. Gaiq ciet gobo neix yungh "saedhengz lajmbanj saenqhwngh · dajcauh Cungguek Dunghmungz aen cin mak" guh cawjdaez. Hozdung miz doxdax fwen, doxdax fouxgvangjangz daengj, yinx ndaej haujlai vnz daeuj yawj.

(Vangz Meijcinh)

Cenzcouh: Daegsaek Canjnieb Bang Vut Gungz

全州: 特色产业助脱贫



Geij bi neix daeuj, Cenzcouh Yen youq mwh vut gungz gunggeng gaenx-maenx sonyinx bough-naz diuzcingj nungzyez gunghawj cwgezou, ciuq dieg bae guh, hwnghat dajndaem daegsaek canjnieb, baenz diuz roen moq bough-naz dangdieg cinjing vut gungz, hawj vnzlai youq bakdou ranz baengh canjnieb laisou. Ndaw doz dwg ndwen 7 ngoenz 1, vnzlai Cenzcouh Yen Liengihoz Cin Lujisuij Cunh cingq gai makmaenj.

(Vangz Swchang/王滋创)

Baksaek Saw Feihyiz 《Sawcomz Fwen Yauzczu》Oksaw

百色非遗书籍《瑶族山歌选集》出版

Mboengqneix, 《Sawcomz Fwen Yauzczu》youz Sihlinz Yen Minz-yijgiz, Sihlinz Yen Yauzczu Vwnzva Yenzgiuvei bien haenx cingqsik oksaw. Cek saw neix dwg dauq saw feih vuzciz vwnzva yizcanj Baksak Si ndawde cek ndeu, dwg gij swhliu youqgaenj yenzgiu vwnzva vahgangj conzdungj Yauzczu, hix dwg Guengjsae baez daeuz dawz fwen minzcu doiqciuq hoiz biu Yauz Gun song cungj vah bien raiz oksaw.

Yauzczu dwg aen minzcu yungh fwen gamjdoengh vnz, yungh fwen doengh cingz ndeu, fwen Yauzczu

fungfouq youq mbanj Yauzczu riuz-cienz, baenz diuz giuz caeuq diuz sai beksingq Yauzczu doxgyau cingz-gamj. Gij yaem doeg vahgangj fwen Yauzczu caeuq vahgangj ngoenz-naengz caeuq vahgangj cunghgyau mbouj doengz, riuzciengz ndaej cien bak bi mbouj dingz mbouj duenh, dwg gij sei sengdoengh geiqraiz caeuq fanjyingj Yauzczu ciengzgeiz senj dieg caeuq guh hong gvaq ndwenngoenz, ndaej heuh baenz gij "bienq rin lix" vwnzva Yauzczu. 《Sawcomz Fwen Yauzczu》soucomz cingjleix le mbanj gojgaeq ndaw-

biengz, okhaq aeuyah daengj fwen, caemhcai yungh Sawyauz Ginhmwz hoiz biu, hai mbat daeuz vwnzva minzcu doiqciuq hoiz biu Yauz Gun song cungj vah, fungfouq le gij neihanz cek sawfwen, daezsang le yozsuz yenzgiu gyaciz, doiq yenzgiu vahgangj conzdungj Yauzczu, doi-laeng gij suzdu siusaet vahcoj minzcu, ciengjgouq, swncienz caeuq fatyienz vwnzva minzcu Yauzczu, coicaenh dieg minzcu doxgiet onj-dingh caeuq minzcu cinbu hoengh-vuengh gig miz cozyung youqgaenj.

(Liu Cincingh)